



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01

Datum:

PRIJEDLOG

Na osnovu člana 12. Zakona o javnom redu i miru ("Službene novine Ze-Do kantona" broj 8/00, 15/03 i 11/07), člana 7. Zakona o zaštiti od buke („Službene novine Ze-Do kantona“ broj 2/08) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ___ sjednici održanoj dana ____ 2018. godine donosi

**Odluku o izmjeni i dopuni Odluke
o javnom redu i miru**

U Odluci o javnom redu i miru ("Sl. glasnik Općine Tešanj", broj: 3/11) mijenjaju se pojedine odredbe, i to:

Član 1.

U članu 3. stav 1. tačka 2. iza alineje b) dodaje se nova alineja c) i glasi:

„u zatvorenom prostoru i baštama ugostiteljskih objekata u toku radnog vremena ukoliko izvor buke prelazi dopušteni nivo utvrđen mjerenjem.“

Član 2.

Član 6. mijenja se i glasi:

„Novčanom kaznom u iznosu od 1.000,00 do 5.000,00 KM kaznit će se pravno lice i imalac radnje za prekršaje iz člana 3. stav 1. tačka 2. alineja a), b) i c).

Novčanom kaznom u iznosu od 500,00 do 5.000,00 KM kaznit će se pravno lice i imalac radnje za prekršaje iz člana 3. stav 1. tačka 5, 11, 14, 19 i 26.

Za prekršaj iz stava 1. ovog člana, pravnom licu, odnosno imalcu radnje u slučaju ponavljanja prekršaja izriče se zabrana vršenja ugostiteljske djelatnosti od 30 dana, a u slučaju daljeg ponavljanja istog prekršaja, izriče se mjera trajne zabrane vršenja ugostiteljske djelatnosti.“

Član 3.

Član 7. mijenja se i glasi:

„Novčanom kaznom u iznosu od 500,00 do 1.000,00 KM kaznit će se odgovorno lice u pravnom licu, kao i lice kome je povjereno vođenje radnje za prekršaje iz člana 3. stav 1. tačka 2 a), b) i c), tačka 5, 11, 14, 19 i 26.“

Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVAJUĆI VIJEĆA

Subašić Senad, dipl.ecc.

Obrazloženje

I PRAVNI OSNOV

Na osnovu člana 12. Zakona o javnom redu i miru ZDK (Službene novine ZDK br. 8/2000), a zbog remećenja javnog reda i mira građana glasnom muzikom i drugim oblicima buke iz ugostiteljskih objekata u toku dana, a posebno u večernjim satima i u ljetnom periodu, postojeću Odluku o javnom redu i miru neophodno je dopuniti navedenim izmjenama.

II RAZLOZI ZA DONOŠENJE

Obrazloženje za član 1:

Članom 3. stav 1. tačka 2. pod a) i b) Odluke propisano je da prekršaji javnog reda i mira su:

“2. Izvođenje muzike ili upotreba uređaja za reprodukciju muzike u ugostiteljskim objektima:

a) U zatvorenom prostoru u ugostiteljskim objektima od 24,00 do 06,00 sati, izuzev ugostiteljskih objekata tipa disco klub od 02,00 do 06,00 sati.

b) U baštama ugostiteljskih objekata od 22,00 do 06,00 sati u zimskom i od 23,00 do 07,00 sati idućeg dana u ljetnom periodu.

Postojeće odredbe definišu samo vrijeme emitovanja muzike, pri čemu njena glasnost ničim nije ograničena. Radi toga će službena lica koja kontrolišu provođenje Odluke mjeriti i glasnost, ne samo vrijeme emitovanja. Općina je već obezbjedila instrumente za mjerenje buke.

Obrazloženje za član 2:

Najniže kaznene odredbe povećane se sa 500 na 1.000 KM kako bi imale preventivni učinak, a mjera zabrane djelatnosti umjesto "može se izreći" koja se uglavnom ne primjenjuje, zamjenjena sa „izriče se“ u slučaju ponavljanja prekršaja.


Obrazloženje za član 3:

Za odgovorno lice u pravnom licu povećana je visina kazne umjesto 100,00 do 500,00 KM na 500,00 do 1.500,00 KM kako bi imala preventivni učinak.

Ovi prijedlozi su proizašli zbog uznemiravanja građana koji žive oko ugostiteljskih objekata, pa i dalje, gdje buka iz ugostiteljskih objekata stvara nezadovoljstvo stanjem na terenu.


Obzirom da je za ugostiteljske objekte već došla ljetna sezona i da su "oživile" bašte sa živom, ali i emitovanom muzikom, neophodno je bilo da se predlože navedene izmjene, a po njihovom usvajanju, da se od strane inspekcije i policije hitno i dosljedno kontroliše provedba na terenu.

OBRADIVAČ
Služba za finansije, privredu, komunalne
i inspeksijske poslove
Hamzalija Hojkurić, dipl.ecc



OPĆINSKI NAČELNIK

Mr. sci. Suad Huskić



Broj: 02-02-1-1618/18
Dana: 06.07.2018. god.